

新開出版改革發展項目庫（項目號：0020121580）  
財政部文化產業發展專項資金重點資助項目  
天一閣藏古籍珍本數字出版工程

龔延明 主編

天一閣藏

# 明代科舉錄選刊

鄉試錄（六）

順天府鄉試錄序

聖天子重明農正化天下以文明

之治已國十年餘經時

上下交孚明德之盛萬象斯效

日月星辰農乎天而天之文

必著百穀阜而不豐乎土而地

寧波出版社

新聞出版改革發展項目庫（項目號：0020121580）  
財政部文化產業發展專項資金重點資助項目  
天一閣藏古籍珍本數字出版工程

龔延明 主編

天一閣藏

# 明代科舉錄選刊

鄉試錄（六）



## 本册目錄

正德八年四川鄉試錄 .....	4463
嘉靖十六年四川鄉試錄 .....	4492
嘉靖十九年四川鄉試錄 .....	4521
嘉靖二十二年四川鄉試錄 .....	4554
嘉靖二十五年四川鄉試錄 .....	4585
隆慶四年四川鄉試錄 .....	4619
萬曆元年四川鄉試錄 .....	4654
萬曆十年四川鄉試錄 .....	4664
天順三年江西鄉試錄 .....	4698
成化十年江西鄉試錄 .....	4724
成化十三年江西鄉試錄 .....	4752
弘治二年江西鄉試錄 .....	4783
弘治五年江西鄉試錄 .....	4812
弘治十四年江西鄉試錄 .....	4841
正德二年江西鄉試錄 .....	4872
正德十一年江西鄉試錄 .....	4903
嘉靖元年江西鄉試錄 .....	4936
嘉靖四年江西鄉試錄 .....	4974
嘉靖七年江西鄉試錄 .....	5011
嘉靖十三年江西鄉試錄 .....	5046

嘉靖十六年江西鄉試錄 .....	5078
嘉靖十九年江西鄉試錄 .....	5114
嘉靖二十二年江西鄉試錄 .....	5143
嘉靖二十五年江西鄉試錄 .....	5175
嘉靖三十一年江西鄉試錄 .....	5211
嘉靖四十年江西鄉試錄 .....	5245
嘉靖四十三年江西鄉試錄 .....	5285
隆慶四年江西鄉試錄 .....	5322

## 正德八年四川鄉試錄

### 四川鄉試錄序

我皇上求賢圖治詔天下鄉試于茲三開科矣四川連年盜警上廬西顧之憂鎮守太監韋興宅心鎮靖軍民安之近以功未告成上命太子少保右都御史彭澤代洪鐘總制右僉都御史馬昊代高崇熙巡撫其提督軍務則命平賊將軍右都督時源取總兵官楊宏回而以都督僉事陳珣代之及游擊將軍閻勲總領騎步官兵澤與昊宣布朝廷恩威政令維新軍容載肅巡按監察御史王鏜所至剔蠹剗弊風裁凜然紀功給事中王萱監察御史何棐汪景芳申嚴軍法修明憲度三軍戮力率協弗怠員外郎張嘉謨馮馴主事馬應龍劉琛特以戎務來主事張兀電適以公務至亦皆殫厥心力出謀贊襄用是連獲渠凶地方恃以無恐先是廷試蜀有擢進士第一者士皆益相淬厲以倫魁自期雖經兵燹不廢所業或率捍禦鄉邑賴之儒有忠信爲甲冑禮義爲干櫓信非虛也正德癸酉八月四川鄉試御史鏜寔當監臨申飭舊規舉事惟謹乃謀諸藩臬長貳預聘宗大等適至與教諭丘茂樸司考試而同考則學正魏鏜鄭維新教諭張舜舉吳鎧李惟貞白繡訓導王瑜內而提調則左布政使王倬左參政邵蕢監試則按察使謝朝宣副史王時中外而防範則右布政使胡宗道參政吳晟何珊參議盧綸張諾郭韶副使張敏李鉞楊惟康陶照盧翊王綸曹恕僉事郝綰戴書程鈺郭東山張繹張秉清楊邦禎至百執事咸慎選以充甲辰鎖院合提學副使王崇文精簡之士一千四百而三試之得七十人餘雖優不敢過取遵制額也爰列其名次及梓其文二十篇爲錄以獻宗大當序諸首簡竊惟國家氣運之隆必有賢才之出而事功之成必其學術之正古今同一道也蜀之賢科在唐猶未著聞以宋登科記考之倫魁如蘇易簡陳堯叟堯咨馬涓何卓趙逵屈指可數焉其間如範鎮蘇軾張浚張拭魏了翁虞集當時學術事功至今備之我皇明與圖之廣過于前朝祖宗教化之功洽于累世今蜀賢相名臣布列中外本之學術著之事功後先相望以一方而概天下何其盛也然蜀之倫魁百四十餘年僅一見之豈古今殊哉倫魁之出氣運之洽也安知異日不如叟如咨如涓如卓如逵踵其後乎諸士子際此隆盛之時育之以學

校拔之于科目行將試南宮奉廷對不以倫魁望不以事功期乎期事功奚必博求天下蜀之賢自可法也事道學則拭了翁其人事詞翰則軾集其人事輔世則有鎮其人事救時則有浚其人之數君子純乎母以議爲但事功成就之大小繫乎學術之淺深皆非當時可及而今人所當取法焉者特爲諸士子言耳載稽圖志廣柔石紐村神禹生焉禹實蜀人嘗讀虞夏之書見其精一執中得堯舜心法之傳其治水也地平天成有萬世永賴之功禹之學術何如其學術禹之事功何如其事功也等而上之尚其法禹乎哉故曰塗人皆可以爲禹宗大喜四川是科得人因推本祖宗教化之功及今日氣運之盛諸士子行當勉旃幸毋自弃于塗人也

山東登州府儒學教授陳宗大謹序

## 正德八年四川鄉試

### 監臨官

巡按四川監察御史王鐘（彥聲大寧都司營州中屯衛官籍直隸徐州人 乙丑進士）

### 提調官

四川等處承宣布政使司左布政使王倬（用檢直隸太倉州人 戊戌進士）

四川等處承宣布政使司左參政邵蕢（文實浙江餘姚縣人 庚戌進士）

### 監試官

四川等處提刑按察司按察使謝朝宣（汝爲陝西西安左衛籍直隸臨淮縣人 癸丑進士）

四川等處提刑按察司副使王時中（道夫山東黃縣人 庚戌進士）

### 考試官

山東登州府儒學教授陳宗大（景輝福建閩縣人 己酉貢士）

山東濟南府德平縣儒學教諭丘茂楨（君鼎福建莆田縣人 丁卯貢士）

### 同考試官

河南河南府陝州儒學學正魏鐘（楊武山西平定州人 庚午貢士）

山東兗州府東平州儒學學正鄭維新（敬甫廣東歸善縣人 甲子貢士）

湖廣黃州府麻城縣儒學教諭張舜舉（邦獻陝西武功縣人 甲子貢士）

江西饒州府餘干縣儒學教諭吳鎧（廷儀湖廣武陵縣人 丙午貢士）

浙江金華府浦江縣儒學教諭李惟貞（起元直隸太倉州人 甲子貢士）

湖廣武昌府武昌縣儒學教諭白繡（文仲廣西□□縣人 戊午貢士）

山西平陽府蒲州儒學訓導王瑜（思純陝西咸寧縣人 甲子貢士）

### 印卷官

四川布政司理問所副理問趙孔昭（潛之雲南建水州人 監生）

四川按察司經歷司知事劉倘（中之河南新鄭縣人 監生）

### 收掌試卷官

成都府知府孟醇（德厚陝西岐山縣人 己卯貢士）

重慶府知府饒糖（文中江西進賢縣人 庚戌進士）

### 受卷官

保寧府知府胡雍（伯雍寬河衛人 庚戌進士）

成都府同知趙鶴（鳴遠山西遼州人 戊辰進士）

成都府推官汪儉（崇本湖廣澧州守禦千戶所人 壬子貢士）

瀘州知州趙履祥（旋夫直隸涇縣人 庚戌進士）

### 彌封官

重慶府推官葉忠（一之浙江臨海縣人 辛未進士）

保寧府劍州知州徐江（德瀾直隸吳江縣人 己未進士）

潼川州知州胡纘宗（孝思陝西秦安縣人 戊辰進士）

叙州府南溪縣知縣路義（宜之貴州貴州衛人 庚子貢士）

### 騰錄官

重慶府通判梁鼎（汝和陝西咸寧縣人 戊午貢士）

叙州府富順縣知縣童綸（廷言湖廣孝感縣人 辛未進士）

潼川州射洪縣知縣李素（元白雲南雲南縣人 乙卯貢士）

順慶府南充縣知縣毛鷲（孕靈陝西鳳翔縣人 丁卯貢士）

### 對讀官

眉州知州原道（可宗陝西蒲城縣人 壬子貢士）

成都府漢州知州盛夔（堯卿直隸無錫縣人 監生）

成都府內江縣知縣屈鈺（秉鈞陝西蒲城縣人 辛未進士）

成都府郫縣知縣李時暢（斯茂浙江餘姚縣人 乙卯貢士）

### 巡綽官

成都前衛指揮使劉銳（白勳直隸臨淮縣人）

成都後衛指揮同知吳鎮（邦寧直隸衡水縣人）

成都中衛指揮僉事沈高（鵬舉浙江仁和縣人）

寧川衛指揮僉事羅紳（朝儀陝西咸寧縣人）

#### 搜檢官

成都前衛左所副千戶魏宣（文化直隸武強縣人）

成都後衛中所正千戶管廷鳳（文瑞直隸鳳陽縣人）

成都後衛右所副千戶方和（汝節江西龍泉縣人）

寧川衛右所副千戶張懷（德之山東濟寧州人）

#### 供給官

四川布政司照磨所照磨吳志廣（文博陝西隴西縣人 吏員）

成都府經歷司經歷李琰（廷器陝西涇陽縣人 吏員）

成都府崇慶州判官白雲鵬（文瑞陝西清澗縣人 監生）

成都府彰明縣知縣姚文道（公載湖廣江夏縣人 壬子貢士）

成都府溫江縣知縣段善（子遷直隸寧國縣人 戊午貢士）

成都府華陽縣典史袁智（明之陝西麟游縣人 吏員）

成都府內江縣典史龐臣（國用陝西涇陽縣人 吏員）

邛州大邑縣典史左廷璋（朝用陝西寧州人 吏員）

成都府保縣典史成銳（鈍之陝西涇陽縣人 吏員）

成都府錦官驛驛丞王縉紳（廷儀陝西乾州人 承差）

成都府簡縣龍泉驛驛丞陳璽（廷器陝西涇陽縣人 承差）

重慶府忠州雲根驛驛丞王磐（邦靖陝西乾州人 承差）

成都府綿州金山驛驛丞楊宗裕（德宏貴州水德江長官司人 承差）

成都府崇慶州唐安驛驛丞孫錫（國祥河南固始縣人 承差）

## 第一場

### 四書

立不中門行不履闕 君子之道四丘未能一焉所求乎子以事父未能也所求乎臣以事君未能也所求乎弟以事兄未能也所求乎朋友先施之未能也庸德之行庸言之謹有所不足不敢不勉有餘不敢盡言顧行行顧言君子胡不慥慥爾 仁人之安宅也義人之正路也

### 易

坤至柔而動也剛至靜而德方 觀其所恒而天地萬物之情可見矣

易有聖人之道四焉者此之謂也 易之爲書也廣大悉備有天道焉有人道焉有地道焉兼三才而兩之故六六者非他也三才之道也

### 書

德惟善政政在養民 惟天聰明惟聖時憲 少師少傅少保曰三孤貳公弘化寅亮天地弼予一人 何擇非人何敬非刑何度非及

### 詩

于以采蘋南澗之濱于以采藻于彼行潦 駢駢征夫每懷靡及 君子之車既庶且多君子之馬既閑且馳 我將我享維羊維牛維天其右之儀式刑文王之典日靖四方伊嘏文王既右享之我其夙夜畏天之威于時保之

### 春秋

蔡侯鄭伯會于鄧（桓公二年） 宋司馬華孫來盟（文公十五年）  
楚公子嬰齊帥師伐鄭 晉欒書帥師救鄭（俱成公六年） 叔孫州仇仲孫何忌帥師圍郕 叔孫州仇仲孫何忌帥師圍郕（俱定公十年）

### 禮記

君子不盡人之歡不竭人之忠以全交也 五聲六律十二管還相爲宮也 天尊地卑君臣定矣 故孝弟忠順之行立而後可以爲人可以爲人而後可以治人也

## 第二場

### 論

達則兼善天下

### 詔誥表（內科一道）

擬漢禁章奏浮詞詔（求平六年） 擬唐以李素立爲燕然都護誥（貞觀二十一年） 擬宋趙汝愚進名臣奏議表（淳熙十三年）

### 判語（五條）

官吏給由 賦役不均 褻瀆神明 從征違期 造作過限

## 第三場

### 策（五道）

問 帝王肇興必有制作以化成天下我聖祖高皇帝誕膺天命驅逐胡元再造華夏經綸世道之制作可得而悉數歟三代相繼皆有所因何我聖祖之制作則盡革胡元之故歟其亦有所因於古歟律令也禮制也大誥也皆制

作之大者也其綱領條目可概舉其數歟其合於先王之典者可各舉其一二歟列聖相繼續集群書亦皆可以維持世道者歟因事建立每有條例孝宗敬皇帝刪繁類聚定爲成書不知與律令禮制大誥之旨同歟異歟亦可相與并傳於萬世歟孔子曰吾從周諸士子積學效用國朝之制作不可不講也願明言以對

問 民生於三而師居其一焉說者謂經師易得人師難得然經師人師亦有辨歟學於荀卿者所習非不善也何以焚燒其書學於秦相者非不惡也何以治爲第一讓封於師與爲師其墳者孰優請代師死與固言師冤者孰愈於馬氏者多矣孰爲賢於其師學於程氏者多矣孰爲不失其正河汾之徒惠斷曠肅深宏簡正各有其人而可興禮樂者誰歟湖蘇之徒淵篤純明直溫簡諒各有其人而功業最著者誰歟韓昌黎一代之山斗也而李習之皇甫湜未嘗以弟子自列何歟歐陽公一代之宗師也而曾子固蘇子瞻亦未嘗以師處之何歟豈所謂人師者雖韓歐亦未足以當之歟願相與講之以知古之爲師弟子賢否

問 備敵禦侮撥亂反正不能不假乎兵然用兵有道而亦有法焉非苟焉以徒設也故王以衆謝以寡郭以寬李以嚴而咸以能兵名是豈無法而亦豈無道哉傳曰陷之死地而後生置之亡地而後存是以當時之用兵者或濟河焚舟勝或背水囊沙勝或以繩兵勝或以火兵勝焉又曰天時不如地利地利不如人和是以當時之用兵者或以失井陘敗或以得下陽勝或以失關中之民敗或以得漢中之民勝若果必置之亡地死地而後可以取勝邪則地利不必恃人和不必倚矣果必本之地利人和而後可以制勝邪則亡地不當據死地不當扼矣然則孫武孟子之說果矛盾而不相通歟抑可并行而不悖歟是必有至當一定之論蜀地用兵今方持勝諸士子經心屬目籌之者熟矣試言之以觀文事武備之用其毋曰我未之學也

問 盜賊竊發雖盛世不能無然或有之而欲平定安輯剿撫二者之外無他術也稽古驗今不能無疑焉撫事姑息若不可恃也然守渤海而盜皆解散守泰山而賊帥先歸廣陵之賊悉面縛以投欵清河之盜悉相率以出降專事征剿果可恃乎剿必血刃若所不忍也然在廣漠而平賊萬人在琅邪而獲賊萬級除徐州之驕卒數千夷幫源洞之叛寇七萬專事縱釋果可再乎邇者各處鼠竊群起朝廷命將出師已平定十之八九矣其餘黨孽尚延殘喘於溪谷之中撫則有復叛之虞剿則有弗盡之慮果何術以收萬全之功抑或別有所本歟諸士子學古入官於前代已然之迹今日當爲之事必講之熟矣其爲

我明著其說以俟采焉

問 蜀之富饒著自古昔迨入國朝休養既久生齒日繁奈何俗漸侈肆  
 釁孽潛萌黠詭之群聚既興鴻雁之哀鳴遂切今盜賊雖漸次輯弭而地方之  
 殘疲已甚賑恤撫安所當急也朝廷嘗出內帑以濟不足恩至渥矣奈所出有  
 限顛連無窮似未能遍濟也嘗降優詔以免租稅意尤切矣奈邊方告急軍儲  
 空乏似未容盡免也時在當道者聞嘗禁差役以省民力也然反側未安餘孽  
 未滅差役果能概免乎有嘗禁科取以節民財也然戍守仰給供億紛紜科取  
 果能悉已乎議者又謂有治人無治法苟得其人法無口行而地方之殘疲可  
 救矣然今有事於蜀之官上者極一時之選固無容議次者果能盡得其人乎  
 茲欲使顛連得所而賑恤不煩於奏請租稅可免而邊儲不至於缺乏防守有  
 備而差役不勞乎民供億有賴而科取不及乎下又欲使官皆得人而救時之  
 法以行上下相安而富饒之俗可復是必有道焉諸士子積學有年矧生茲土  
 諒講之熟矣願明言以對將以獻於朝廷而行之毋諉曰思不出其位

### 中式舉人七十名

- |      |     |         |    |
|------|-----|---------|----|
| 第一名  | 毛翥  | 瀘州學生    | 詩  |
| 第二名  | 楊恂  | 新都縣學增廣生 | 易  |
| 第三名  | 李觀  | 渠縣學生    | 春秋 |
| 第四名  | 張芊  | 順慶府學生   | 書  |
| 第五名  | 顧倌  | 成都府學生   | 禮記 |
| 第六名  | 史麟  | 順慶府學生   | 易  |
| 第七名  | 張選  | 富順縣學生   | 詩  |
| 第八名  | 彭汝寔 | 嘉定州學生   | 書  |
| 第九名  | 周勉  | 成都府學生   | 春秋 |
| 第十名  | 傅仲霖 | 長壽縣學生   | 易  |
| 第十一名 | 王裕  | 內江縣學增廣生 | 書  |
| 第十二名 | 任轍  | 重慶府學生   | 詩  |
| 第十三名 | 唐巨鰲 | 長寧縣學生   | 書  |
| 第十四名 | 王表  | 嘉定州學生   | 詩  |
| 第十五名 | 余左之 | 叙州府學生   | 禮記 |
| 第十六名 | 任維賢 | 保寧府學生   | 易  |

- 第十七名 張喬 大竹縣學生 詩  
 第十八名 章完之 嘉定州學生 書  
 第十九名 朱佐 成都縣學生 易  
 第二十名 陳力 成都府學生 春秋  
 第二十一名 徐岱 威遠縣學生 詩  
 第二十二名 杜朝紳 崇慶州學生 書  
 第二十三名 文誠 合州學生 易  
 第二十四名 陳大道 順慶府學生 禮記  
 第二十五名 任佃 順慶府學附學生 詩  
 第二十六名 任冕 重慶府巴縣學增廣生 易  
 第二十七名 雙桂 華陽縣學生 詩  
 第二十八名 雷坤吉 瀘州學生 書  
 第二十九名 程一陽 馬湖府學生 易  
 第三十名 李楷 成都府學生 詩  
 第三十一名 李嘉賓 雙流縣學生 春秋  
 第三十二名 范時倣 成都府學生 詩  
 第三十三名 明幼充 順慶府學生 易  
 第三十四名 陳遷 什邡縣學生 詩  
 第三十五名 楊永秀 保寧府學生 書  
 第三十六名 孫衡 資縣學生 詩  
 第三十七名 陰汝登 內江縣儒士 書  
 第三十八名 陳顥 遂寧縣學生 禮記  
 第三十九名 馬崧 華陽縣學生 詩詞  
 第四十名 朱相 南克縣學生 易  
 第四十一名 莫汝高 保寧府學生 詩  
 第四十二名 陳表 成都府學生 書  
 第四十三名 蒲祥 眉州學生 詩  
 第四十四名 范儒 德陽縣學生 書  
 第四十五趙玃 潼川州學生 易  
 第四十六名 沈澗 重慶府學生 詩  
 第四十七名 楊愷 新都縣學生 易  
 第四十八名 柳鸞 瀘州學生 書

- 第四十九名 黃鴻儒 眉州學生 詩  
第五十名 周集 遂寧縣學生 春秋  
第五十一名 杜友才 鄆都縣學生 詩  
第五十二名 李瑤 順慶府學生 易  
第五十三名 張珩 漢州學生 詩  
第五十四名 高公夏 內江縣學生 書  
第五十五名 任纘 順慶府學生 詩  
第五十六名 王珏 郫縣學生 易  
第五十七名 張叔宣 內江縣儒士 書  
第五十八名 張芮 順慶府學生 易  
第五十九名 曾棠 嘉定州學生 禮記  
第六十名 李佶 金堂縣學生 詩  
第六十一名 武太和 安岳縣學生 易  
第六十二名 劉虔 重慶府巴縣學增廣生 詩  
第六十三名 危以泰 成都府學生 易  
第六十四名 蒲萬 宜賓縣學生 詩  
第六十五名 劉詔 江津縣學生 春秋  
第六十六名 吉人 西充縣學增廣生 易  
第六十七名 李綸 重慶府巴縣學增廣生 詩  
第六十八名 樊景麟 新繁縣學生 書  
第六十九名 韓孜 南充縣學生 易  
第七十名 謝充 富順縣學生 詩

## 第一場

### 四書

立不中門行不履闕

毛萑

同考試官學正鄭批（揭書出題不意窘筆惟此作繪簡爲文紆徐蔚茂且達盡夫子敬君之意家數不同錄之以冠他作）

同考試官學正魏批（文字機軸關鍵與衆作自是遠甚分明聖人立行之軌度也敬服敬服）

考試官教諭丘批（盛德之容模寫宛然）

考試官教授陳批（體貼最是）

門人記聖人之在朝而止趨皆存乎敬焉蓋聖人之敬無往而不存也矧其在朝而一止一趨豈有不敬者哉昔門人記聖人在朝之容意謂吾夫子之聖也道無往而不在敬無時而不存彼鳴玉而朝待漏而止臣未見君當立於門也然棖闌之間乃人君出入之處焉夫子之立於公門清光固未仰接而水心先已夔夔侍庄浪之東則依棖少立容或在闌之右也不敢當棖闌之中焉時在棖之西則拂棖少伫亦或在闌之右也不敢居棖闌之間焉是豈矯揉而然邪蓋立中門則當尊夫子心敬君之至也豈敢當尊也哉承召而入奉命而後出入公門必過闕也然門限內外乃人君臨御之所焉夫子時過於公門君顏雖未仰瞻而赤心先已慄慄鞠躬而入繩趨尺步之有節足雖蹣蹣舉動從容不敢加足於門限之上也下階而出循規蹈矩之有常足雖蹣蹣步履安詳不敢置足於門下之闕也是豈強勉而然哉蓋行履闕則不恪夫子敬君無時而不然也豈有不恪也哉吁一立一行當敬而敬入門過門易忽不忽自非盛德之至烏能動容周旋中禮如此哉大抵鄉黨一書門弟子記夫子之行實也他如宗朝廷事□接下之禮衣服飲食之節擯相交友之誠無一不載之詳今讀其書考其事宛然如聖人之在□也杏壇迹蕪木鐸聲微徒聞畫出箇聖人之言而不得親聆其警效千載之下不勝景仰也噫

君子之道四丘未能一焉所求乎子以事父未能也所求乎臣以事君未能也所求乎弟以事兄未能也所求乎朋友先施之未能也庸德之行庸言之謹有所不足不敢不勉有餘不敢盡言願行行願言君子胡不慥慥爾

楊恂

同考試官訓導王批（題本明白但諸作謂聖自責自修以求盡君子之道至贊美處則不通矣此卷體認真切非用心之精者不能與此宜錄以示式）

同考試官教諭李批（見理精切出辭簡健蓋嘗究心於君子之道者）

考試官教諭丘批（得長題家數）

考試官教授陳批（該括得盡）

聖人不自居君子之道必詳其道而美之也蓋君子之道聖人之能事也今焉謙不自居而又詳其道以美之其道不遠人爲道不遠之意於此亦可見哉中庸論道之費隱至此引夫子之言謂夫君子之道其目有四而求之在我未能其一蓋孝以事親子之道也責子以孝而我之孝親者恐未純忠以事君

臣之道也責臣以忠而我之忠君者恐未盡責弟之恭於吾吾亦有兄也未能篤厚夫天倫責朋友之信於我我亦朋友也未能先施其不欺君子自責如此於是子臣弟友之道體諸身確乎踐履之皆實孝弟忠信之理宣諸聲鑿乎防檢之擇可力行難常患於不足知其不足而不敢不勉則行益力矣放言易常失之有餘知其有餘而不敢少放則謹益至矣謹之至則言爲有物而言能顧行行之力則行爲常而行能顧言君子言行相顧如此則是道充於內而無不足體於身而無不盡豈不慥慥篤實矣乎天自責之中而寓自修之理自修其理因見自責之實君子之道蓋如此此我之所未能也中庸引之以明道之費隱其意切哉大抵道者率性而已本不遠於人也但人之爲道自遠耳子思論道之費隱而詳引聖人之言曰治己治人曰愛己愛人至此又以責人責己以爲言誘啓後人無非欲其不遠人以爲道也道其不明人趨異端子思喫緊爲人憂之深故其言之也切慮之遠故其說之也詳學者須要識得

仁人之安宅也義人之正路也

張芋

同考試官教諭吳批（□安宅正路處親切有味且結出孟子立言之意非素□乎仁義任斯道以扶世者不足以與此）

同考試官教諭張批（發明仁義之旨通篇明甚執此可以占子所居所由之不苟矣）

考試官教諭丘批（典實可取）

考試官教授陳批（說理明白）

大賢論理有爲人所當居者有爲人所當由者盡仁義之理乃吾性之固有而可居可由也大賢析而言之以見人當常體之也歟想其意謂夫理寓于人而人具乎理仁也者乃人固有之理也一德渾全而重厚不遷有天理自然之安群邪退聽而純全不雜無人欲陷溺之危雖不峻宇之軒昂而居之者安處之者豫可以優游而卒歲雖非廣廈之帡幪而宅之無危舍之無懼可以偃仰而終身恢宏不陋經久無虞誠爲人之安宅也仁爲安宅人可不常居於是也乎義也者亦人本然之性也酬酢萬變而事無不宜乃天理之當行裁制百爲而施無不當無人欲之邪曲雖非周道之平平而義理之坦途天下共由古今通行也誰能外之而他適雖非康莊之蕩蕩而義理之大道出入必由往來必行也孰能外之而他從至當不易無黨無偏誠爲人之正路也義爲正路人可不恒由於是也乎吁理切于人如此而人自不察豈不爲自暴自棄大抵戰國之時人心陷溺居者以數

仞爲安宅行者以詭遇爲正路不知仁義爲何等物也孟子生丁是時哀其暴弃借安宅以明其仁假正路以明其義使人知所居非所安所由非其正可居可由者在此而不在彼也噫七篇之中無非此意扶世立教之功豈小小哉

易

坤至柔而動也剛至靜而德方

楊恂

同考試官訓導王批（坤卦一題講柔剛靜方處人多紕謬子能剗腐撰新不數言而寫盡坤貞□妙蘊讀之令人神爽其可敬也夫）

同考試官教諭李批（文言釋坤貞之義此篇發明殆盡不意簷晷之下而有是作真妙於文哉）

考試官教諭丘批（得坤貞之旨）

考試官教授陳批（說理之文自別）

文言申坤貞之義體妙於無爲用顯於有爲蓋體之無爲者順也用之有爲者健也順而且健此坤所以利牝馬之貞歟文言申明其旨至矣昔吾夫子傳彖既以地道明坤義而文言又申之謂夫坤以純陰而得名地以純陰而成體坤之道即地之道也故以其質言之則極天下之至柔墳壤不同而其質之柔則同原隰雖異而其質之柔無異屈博厚於高明之下安然不抗不違何柔如之柔則疑於不剛也坤柔矣而其動未嘗不剛乾之所施盡發生而無遺悉持載而不撓德合無疆華岳峙焉河海振焉非剛而能若是乎以至柔之體而有動剛至用坤果一於順邪以其性言之則極天下之至靜崗阜雖殊而其性之靜不殊陵谷不同而其性之靜則同泯生意於大塊之中寂然無聲無臭何靜似之靜則疑於不方也坤靜矣而其德未嘗不方乾之所始作其成而有常代其終而不易曲成萬物植者植焉動動焉非方而能若此乎以至靜之性而有德方之用坤果止於順邪吁文言以至柔至靜言坤之體而以動剛德方著坤之用則牝馬之貞之意不既昭然矣乎嗟夫坤者乾之對也夫子於乾則曰剛曰動而不言丞與靜於坤既曰柔曰靜而又言剛與方何也蓋陰陽本一氣乾得其全而坤得其半乾不必言柔靜而柔靜在其中坤則嫌於偏也故又以其發用者言之以見其爲乾之配耳聖人之言豈偶然哉

易有聖人之道四焉者此之謂也

史麟

同考試官訓導王批（題意本多頭緒此篇鎔劇爲約非得於幾深之妙

者不能言之吾爲子屬目矣)

同考試官教諭李批(此題通篇大旨歸宿處也文能約而言之無一口語意其人必沉酣於是經者或有得於蜀之隱君子也與)

考試官教諭丘批(會博於約杰作也)

考試官教授陳批(文有源委)

大傳結言易具聖道非一端即其所歷陳者是已蓋辭占象變四者皆聖人之道也大傳歷陳其義於前而復結言於此示人之旨何深切歟且聖人之意盡於易聖人之道存乎書故以易書言之著卦設而後有象有變象變非伏羲之道發於易者乎象爻係而後有辭有占辭占非文王周公之道發於易者乎是易成於三聖而道發於四端故尚乎辭占而極天下之至精尚乎象變而極天下之至變而其所以爲精爲變者不有待於寂然不動感而遂通之神邪至精極深而有以通天下之志至變研幾而有以成天下之務而其所以通志成務者不有待於不疾而速不行而至之神邪然則易有聖人之道四焉者其此辭占之至精極深通志而皆本於至神之謂也舍此奚有所謂聖人之道焉亦此象變之至變研幾成務而皆本於至神之謂也外此何有所謂聖人之道焉然則易道之大固無不該而其用不外辭占象變四者而已君子其亦當知所務歟抑大傳是章蓋承上章之意而推言之也上章言天地大衍之數揲著求卦之法辭占象變之所由本也此章言辭占象變之用數法之所由行也然皆非人力之所能爲故上章則結之日知變化之道者其知神之所爲乎此章則歷推其義歸諸至神而復結言如此則易之體用何莫而非神之所爲歟合二章而觀之益可見矣

書

惟天聰明惟聖時憲

張弇

同考試官教諭吳批(說命題人能言之但語涉熟爛殊可厭憎至憲天聰明處又說不能盡此作認理明白且不爲險語可嘉可嘉)

同考試官教諭張批(人君法天聰明一出於公則與天合德此作得之)

考試官教諭丘批(憲天處善於發揮)

考試官教授陳批(簡而文)

天道一於至公人君法其至公蓋天之聰明至公而已矣人君法之一出於公豈不能與天合德也哉昔傳說進諫高宗及此若曰人君有繼天出治之責亦惟盡法天爲治之道蓋天無耳口下聽若與人邈乎不相接也然凡在覆